




TERMA DAN SYARAT

POLISI PRIVASI

DIPERAKUI OLEH:

.....
(MUHAMMAD ABDUL 'ALEM BIN MOHAMAD)
TARIKH:

DITERIMA DAN DIPERSETUJUI OLEH:

.....
NAMA : AZHAR BIN MAT YAHYA
JAWATAN : SETIAUSAHA
NAMA KOPERASI : KOPERASI MAS
TARIKH :



TERMA DAN SYARAT

Akses ke Sistem iKOOP dan penggunaan Perkhidmatan adalah tertakluk, pada setiap masa kepada Terma dan Syarat berikut:

1. DEFINISI

"ALM"

Pihak yang memiliki, membangunkan dan menyediakan perkhidmatan sistem iKOOP sama ada melalui laman web <http://www.ikoop.com.my> atau aplikasi telefon mudah alih yang berkaitan dengan sistem iKOOP di laman web www.ikoop.com.my iaitu **ALM Core Solutions Sdn. Bhd.**

"Sistem"

Ertinya laman web www.ikoop.com.my atau Sistem iKOOP dan aplikasi telefon mudah alih yang berkaitan dengan laman www.ikoop.com.my iaitu sistem yang berfungsi sebagai medium utama bagi pengurusan keanggotaan dan transaksi produk koperasi.

"Pegguna"

Pegguna merujuk kepada pihak pentadbiran dan pengurusan koperasi yang bersetuju secara bertulis oleh individu yang berumur 18 tahun ke atas yang dilantik oleh koperasi yang menggunakan perkhidmatan yang disediakan melalui Sistem iKOOP.

"Ahli Pengguna"

Ahli Pengguna merujuk kepada ahli-ahli atau anggota-anggota di dalam koperasi yang menjadi pengakses kepada sistem iKOOP.

"ID Pengguna"

Ertinya ID Ahli/koperasi iaitu Nombor Pengenalan Diri/Nombor Pentadbiran koperasi yang didaftarkan untuk urusan dalam Sistem iKOOP.

“Isi Kandungan”

Ertinya semua data, maklumat, bahan, laporan dan rekod termasuk tetapi tidak terhad kepada pesanan ringkas, imej, lambang, video, animasi dan bentuk seperti mana yang dipaparkan atau dimuatkan di dalam Sistem ini.

“Kata Laluan”

Ertinya antara 6 hingga 20 aksara dan/atau karakter istimewa yang diketahui secara peribadi yang digunakan bersama ID Pengguna untuk tujuan pengesahan bagi mengakses perkhidmatan internet yang disediakan.

“Maklumat”

Ertinya apa-apa maklumat, teks, data peribadi, data, kenyataan, bahan, mesej atau sebarang maklumat lain yang dipaparkan dan/atau yang dinyatakan di dalam Sistem ini.

2. UMUM

Istilah "Pentadbir Koperasi" hendaklah merujuk kepada Pengguna Sistem ini.

Akses Pentadbir Koperasi ke Sistem ini dan penggunaan Perkhidmatan yang disediakan adalah tertakluk kepada Terma dan Syarat di sini.

Sila baca dan fahamkan Terma dan Syarat di dalam Sistem ini setiap kali Pentadbir Koperasi atau Ahli Pengguna mengakses dan/atau menggunakan Perkhidmatan yang disediakan di dalam Sistem ini.

Walau apa pun dan tanpa menyentuh maksud umum klausa-klausa di dalam Terma dan Syarat ini, Pentadbir Koperasi atau Ahli Pengguna dengan ini bersetuju bahawa akses kepada Sistem ini dan penggunaan Perkhidmatan adalah atas risiko Pentadbir Koperasi sendiri dan Ahli Pengguna, tanpa syarat, bersetuju sepenuhnya akan menanggung semua risiko, bersampingan dengan atau berbangkit daripada penggunaan Sistem ini dan Perkhidmatan di dalamnya. Jika pada bila-bila masa Pentadbir Koperasi atau Ahli Pengguna tidak bersetuju dengan mana-mana atau semua Terma dan Syarat ini, sila tamatkan semua akses Pentadbir Koperasi kepada Sistem ini dan/atau penggunaan Perkhidmatan. (*Rujuk klaus 12*).

3. PERATURAN PENGGUNAAN

Pentadbir Koperasi bersetuju dan mengaku janji untuk TIDAK menggunakan Sistem ini, Isi Kandungan dan Perkhidmatan yang terkandung di dalamnya untuk tujuan yang mungkin termasuklah menyalahi hak-hak atau menyekat kepenggunaan dan mengikut Sistem, Isi Kandungan dan Perkhidmatan dan ini termasuk:

- a. Untuk mempamerkan apa-apa kelakuan, perbuatan atau bahan yang menyalahi undang-undang, menghina, mengandungi unsur-unsur lucah, kurang sopan, fitnah, hasutan, menghina atau membenci, pemalsuan, perkauman dan/atau yang boleh mengganggu individu, memberikan tekanan atau menyebabkan perasaan tidak senang atau menggugat privasi individu lain, mengandungi ancaman atau emel yang mendatangkan kesalahan jenayah, menimbulkan liabiliti sivil atau menyalahi mana-mana peraturan atau undang-undang tempatan, negeri, negara atau antarabangsa; penggunaan bahan yang mungkin menyalahi hak cipta, tanda dagang atau apa-apa harta intelek;
- b. Akses atau penggunaan data tanpa kebenaran, sistem atau rangkaian sistem termasuk sebarang percubaan untuk membuktikan, mengimbas atau menguji keutuhan sistem atau rangkaian sistem;
- c. Mengawasi data atau trafik sebarang sistem atau rangkaian sistem tanpa mempunyai kebenaran yang sah;
- d. Menggunakan atau menyertakan sebarang virus, *'Trojan horses'*, *'time bombs'*, *'worms'*, *'cancelbots'* atau sebarang cara seumpamanya yang boleh merosakkan, mengganggu, memintas atau merampas mana-mana sistem; atau mengganggu Perkhidmatan mana-mana pengguna, hos atau rangkaian sistem termasuk dan tidak terhad kepada *'mailbombing'*, *'flooding'*, *'broadcast attacks database'* atau meletakkan sebarang beban tambahan atau tidak perlu ke atas sistem;
- e. Memintas sebarang pengesahan pengguna atau keselamatan sebarang hos, rangkaian sistem atau akaun (pencerobohan atau penggodaman atau percubaaan untuk menceroboh atau menggodam); dan
- f. Menjual semula atau menyediakan Sistem, Isi Kandungannya dan Perkhidmatan atau mana-mana bahagian kepada individu lain atau entiti untuk keuntungan atau sebaliknya.

ALM mempunyai budi bicara mutlak untuk memadam atau meminda Sistem ini, Isi Kandungan dan Perkhidmatan dan Peraturan Penggunaan (merujuk kepada pindaan atau penambahbaikan sistem).

ALM mempunyai hak untuk menyiasat sebarang kebarangkalian penyalahgunaan Peraturan Penggunaan.

4. HAK PROPRIETARI

Sistem ini dan Perkhidmatan di dalamnya adalah hak milik sepenuhnya oleh ALM. Sistem ini adalah dilindungi oleh hak cipta, tanda dagang dan hak-hak proprietari lain.

Tiada lesen atau hak diberikan kepada Pentadbir Koperasi dan akses Pentadbir Koperasi ke Sistem ini dan/atau penggunaan peralatan atas talian dan Perkhidmatan tidak boleh ditafsirkan sebagai pemberian, dengan implikasi, estoppel atau sebaliknya, sebarang lesen atau hak untuk menggunakan mana- mana Isi Kandungan di bawah pentadbiran pihak ALM tanpa kebenaran bertulis terlebih dahulu daripada ALM atau pemilik pihak ketiga hak proprietari yang berkaitan.

5. TANDA DAGANG

Semua tanda dagang, tanda perkhidmatan, dan logo yang dipaparkan di dalam Sistem ini adalah hak milik ALM dan/atau pemilik pihak ketiga masing-masing, seperti yang dinyatakan di dalam Sistem ini.

Melainkan jika keizinan bertulis terlebih dahulu diperolehi daripada pihak ALM atau pemilik pihak ketiga mana-mana tanda dagang, tanda perkhidmatan atau logo yang dipaparkan di Sistem ini telah diperolehi, tiada lesen atau hak diberikan kepada mana-mana pihak yang mengakses Sistem ini untuk menggunakan, memuat turun, mengeluarkan semula salinan atau mengubah suai tanda dagang, tanda perkhidmatan atau logo. Begitu juga, melainkan jika keizinan bertulis terlebih dahulu diperolehi daripada Pentadbir atau pemilik yang berkaitan itu, tiada tanda dagang tersebut, tanda perkhidmatan atau logo boleh digunakan sebagai pautan atau untuk menandakan mana-mana pautan ke Sistem ini atau mana-mana laman lain.

6. PINDAAN

ALM berhak untuk mengemaskini, meminda dan/atau mengubah mana-mana bahagian atau semua Terma dan Syarat dari semasa ke semasa mengikut budi bicara mutlak. Semua pengemaskinian, pindaan dan/atau perubahan akan dipaparkan di Sistem ini dan penggunaan berterusan oleh Pentadbir Koperasi dan Ahli Pengguna di Sistem ini selepas pengemaskinian, pindaan dan/atau perubahan yang telah dipaparkan akan dianggap sebagai pematuhan Pentadbir Koperasi, pengakuan dan penerimaan kepada Terma dan Syarat yang dikemaskinkan

7. PAUTAN

Pautan dari atau ke mana-mana Sistem di luar Sistem ini adalah bertujuan untuk kemudahan sahaja. Pautan Sistem tersebut dimiliki dan dikendalikan oleh pihak ketiga yang mana adalah di luar kawalan ALM. Pihak ALM tidak akan bertanggungjawab dan tidak memberi jaminan terhadap kandungan sistem- sistem tersebut, pihak ketiga yang dinamakan dalamnya atau produk dan perkhidmatan mereka.

Pautan yang disediakan di dalam Sistem ini tidak boleh dianggap sebagai pengesahan atau verifikasi atau kelulusan sistem-sistem tersebut atau kandungan di dalamnya oleh pihak ALM. Pautan ke sistem/laman lain adalah atas risiko Pentadbir Koperasi dan Ahli Pengguna sendiri dan pihak ALM tidak akan bertanggungjawab ke atas sebarang kerosakan yang berkaitan dengan pautan.

8. TRANSAKSI DAN PEMROSESAN DATA MELALUI SISTEM

Pihak ALM tidak menjamin bahawa mana-mana transaksi dan pemprosesan data melalui Sistem adalah benar-benar selamat dan bebas daripada apa-apa keingkaran, kesilapan dan/atau data yang tertinggal. Disebabkan keadaan semulajadi Internet, penghantaran itu mungkin tertakluk kepada gangguan, terputusnya bekalan elektrik, kelewatan pemprosesan dan kesilapan penghantaran data. Pihak ALM tidak akan bertanggungjawab terhadap sebarang kegagalan kemudahan komunikasi yang boleh menjejaskan ketepatan masa transaksi dan pemprosesan maklumat atau sebarang urusan yang berkaitan dengan pihak Pengguna yang dijalankan melalui Sistem kecuali daripada kesalahan oleh pihak ALM yang dibuktikan.

9. MODUL DAN ISI KANDUNGAN SISTEM IKOOP

Pihak ALM amat komited untuk membangunkan Sistem dengan sebaik dan selengkap yang boleh untuk digunakan oleh Pentadbir Koperasi serta Ahli Pengguna. Segala pengubahsuaian, penambahan, kebenaran penggunaan dan perancangan yang berkaitan dengan modul dan isi kandungan Sistem adalah tanggungjawab dan di atas keputusan mutlak oleh pihak ALM selaku pemilik Sistem. Walaubagaimanapun, pihak ALM boleh mengadakan perbincangan dengan Pentadbir Koperasi sekiranya dirasakan perlu bagi penambahbaikan, penambahan, pengurangan atau penghapusan sebarang modul atau isi kandungan yang dirasakan perlu oleh pihak ALM. Semua modul dan isi kandungan yang diubahsuai, ditambah, dikurang atau dihapuskan atas keputusan mutlak, perancangan dan rangka kerja Sistem yang telah ditetapkan oleh ALM tidak akan dikenakan sebarang bayaran kepada pihak Pentadbir Koperasi. Sejumlah bayaran cuma akan dikenakan jika terdapat permintaan khas dari pihak Pentadbir Koperasi untuk menambah modul atau isi kandungan yang tidak terdapat dalam perancangan atau belum dalam perancangan untuk dilaksanakan atas keputusan pihak ALM.

10. PENYELENGGARAAN

Penyelenggaraan Sistem adalah tanggungjawab sepenuhnya pihak ALM dan tiada sebarang caj penyelenggaraan akan dikenakan kepada pihak Pentadbir Koperasi atas sebarang kos penyelenggaraan Sistem yang dilakukan oleh pihak ALM.

11. TAHAP PERKHIDMATAN PERISIAN (SLA)

Tahap perkhidmatan perisian yang disediakan oleh pihak ALM merangkumi waktu sokongan operasi, tahap tindak balas dan penyelesaian, serta kaedah pelaporan masalah. Perincian adalah seperti berikut :

a. Waktu operasi sokongan teknikal

- Hari : Isnin hingga Jumaat

- Masa : 9.00 pagi - 5.30 petang (kecuali cuti umum)

b. Tahap response dan penyelesaian

Tahap Keutamaan	Contoh Isu	Masa Tindak Balas	Masa Penyelesaian
Kritikal (P1)	Sistem tidak boleh diakses langsung	30 minit	2 jam (maximum)
Tinggi (P2)	Modul penting tidak berfungsi	1 jam	1 hari bekerja
Sederhana (P3)	Isu kecil, tidak mengganggu operasi	4 jam	3 hari bekerja
Rendah (P4)	Permintaan fungsi baru, kosmetik UI	1 hari bekerja	Berdasarkan perjanjian

c. Kaedah pelaporan masalah

- Email : helpdesk@ikoop.com.my

- Mobile Phone / Whatsapp : 03-8957 3455 / +6011-7464 8313

12. GANGGUAN SISTEM KOMPUTER PENGGUNA

Pihak ALM tidak akan bertanggungjawab bagi apa-apa gangguan, kelewatan, kegagalan, kesilapan atau maklumat tertinggal atau kehilangan maklumat yang dihantar, virus atau harta yang tercemar atau rosak yang dihantar atau kerosakan yang berlaku kepada sistem komputer atau telefon mudah alih Pengguna dan Ahli Pengguna. Pengguna akan bertanggungjawab untuk memberi perlindungan yang mencukupi dan mempunyai data dan/atau peralatan sokongan dan mengambil langkah berjaga-jaga yang munasabah dan sesuai untuk mengimbas virus pada komputer sendiri atau harta atau peralatan telefon mudah alih sendiri yang merosakkan setelah menggunakan sistem iKOOP.

ALM tidak akan bertanggungjawab ke atas ketidaktepatan, kegunaan atau prestasi perisian pihak ketiga yang mungkin digunakan berhubung dengan Sistem ini.

ALM bertanggungjawab terhadap maklumat yang diproses di dalam *cloud server* yang dibekalkan berdasarkan data-data input yang diberikan oleh Pentadbir Koperasi atau Ahli Pengguna sahaja.

13. **KERAHSIAAN MAKLUMAT**

Pentadbir Koperasi dan Ahli Pengguna hendaklah bertanggungjawab bagi kerahsiaan dan penggunaan Kata Laluan Pentadbir Koperasi dan Ahli Pengguna dan tidak mendedahkan Kata Laluan Pentadbir Koperasi dan Ahli Pengguna kepada sesiapa sahaja pada masa bila-bila masa dan di bawah apa jua keadaan sama ada dengan sengaja atau tidak sengaja. Pentadbir Koperasi dan Ahli Pengguna bersetuju untuk mematuhi segala langkah keselamatan berkaitan dengan perlindungan Kata Laluan atau secara amnya berkenaan dengan penggunaan Perkhidmatan ini.

ALM tidak akan memberikan maklumat berbentuk data mentah (**raw data**) kepada pihak ketiga tanpa persetujuan oleh Pentadbir Koperasi atau memberikan maklumat terperinci yang telah dimasukkan ke dalam sistem iKOOP kepada pihak ketiga.

14. **PENGENEPIAN**

Sekiranya pihak ALM gagal atau cuai untuk menguatkuasakan mana-mana peruntukan atau remedi di bawah Terma dan Syarat ini atas apa jua sebab, ALM hendaklah tidak ditafsirkan sebagai mengeneapi hak ALM untuk menguatkuasakan atau mengeneapi hak kami terhadap mana-mana pelanggaran yang berterusan, berjaya atau berikutnya atau mana-mana peruntukan lain dalam Terma dan Syarat ini oleh Pentadbir Koperasi dan Ahli/Anggota Pengguna.

15. **PENAMATAN**

ALM berhak untuk menamatkan/menahan akses Pentadbir Koperasi atau Ahli Pengguna ke Sistem ini dan/atau penggunaan Sistem ini dan Perkhidmatan pada bila-bila masa, secara keseluruhan atau sebahagian, sekiranya Pengguna melanggar mana-mana Peraturan Penggunaan dan/atau melanggar mana-mana Terma dan Syarat ini atau mengingkari hak Pentadbir Koperasi atau Pengguna telah melakukan perbuatan yang melanggar undang-undang di bawah pengawasan Suruhanjaya Koperasi Malaysia atau Akta Koperasi Malaysia dan Suruhanjaya Komunikasi dan Multimedia Malaysia.

Pentadbir Koperasi boleh menutup Akaun Ahli Pengguna jika Ahli Pengguna yang berkenaan memaklumkan kepada Pentadbir Koperasi terlebih dahulu dan disahkan oleh Pengurusan Koperasi dengan menulis melalui e-mel kepada alamat e-mel **helpdesk@ikoop.com.my** atau **admin@ikoop.com.my**. iKOOP tidak bertanggungjawab ke atas sebarang liabiliti dan tidak bertanggungjawab ke atas kerosakan yang berlaku seperti kesalahan maklumat Ahli Pengguna akibat tindakan yang diambil oleh Pentadbir Koperasi menurut Bahagian ini.

ALM berhak menamatkan kontrak Pentadbir Koperasi secara bertulis dan akan diberi tempoh yang sesuai untuk mengembalikan segala data-data atau maklumat yang diperolehi daripada sistem iKOOP.

Sekiranya Pentadbir Koperasi bercadang untuk menamatkan penggunaan sistem iKOOP, tiada bayaran atau caj yang akan dikenakan. Walau bagaimanapun, Pentadbir Koperasi wajib mengemukakan surat penamatan penggunaan sistem iKOOP tersebut kepada ALM sekurang-kurangnya dalam tempoh **SEBULAN**. (*Rujuk Surat Penerimaan*)

Segala data dan maklumat berkaitan koperasi yang terdapat di dalam sistem iKOOP akan dipadam dan data-data *backup* akan diserahkan kepada koperasi dalam tempoh sebulan selepas penerimaan surat penamatan penggunaan sistem iKOOP.

16. UNDANG-UNDANG DAN BIDANG KUASA

Terma dan Syarat ini hendaklah bagi semua maksud dan tujuan tertakluk kepada dan ditafsirkan selaras dengan undang-undang Malaysia dengan mengakses Sistem ini dan/atau menggunakan Perkhidmatan yang disediakan di sini, Pentadbir Koperasi termasuk Ahli Pengguna dengan ini bersetuju kepada bidang kuasa eksklusif mahkamah Malaysia.

17. PANDUAN PENGGUNA DAN SOALAN LAZIM

"Manual Pengguna" ertinya panduan atau panduan-panduan yang dikeluarkan oleh ALM kepada Pentadbir Koperasi yang mengandungi arahan penggunaan sistem ini. Manual Pengguna tersebut telah disediakan di dalam Sistem ini.

Pentadbir Koperasi hendaklah membaca dan memahami Manual Pengguna dan/atau Soalan Lazim sebelum menggunakan Sistem ini.

18. PENAFIAN

Isi kandungan dan maklumat yang disediakan oleh pihak ALM di dalam Sistem adalah berdasarkan "sedia ada" dan "sebagaimana tersedia". Rujukan kepada Isi Kandungan dan Maklumat yang terkandung di dalam Sistem ini adalah termasuk bahan dan maklumat seperti yang disediakan oleh pihak ketiga. Pihak ALM tidak memberi jaminan bahawa Perkhidmatan akan disediakan pada setiap masa.

ALM TIDAK MEMBERIKAN SEBARANG JAMINAN NYATA ATAU TERSIRAT, REPRESENTASI, ATAU PENGENDORSAN TERMASUK, TETAPI TIDAK TERHAD KEPADA SEBARANG JAMINAN KE ATAS TAJUK, PELANGGARAN HAK, KEBOLEHDAGANGAN, KEGUNAAN, OPERASI, KESEMPURNAAN, TERKINI, KETEPATAN, KEPUASAN KUALITI, KEBOLEHPERCAYAAN DAN KESESUAIAN UNTUK TUJUAN TERTENTU BERHUBUNG DENGAN SISTEM INI, ISI KANDUNGAN, MAKLUMAT DAN/ATAU FUNGSI DI DALAMNYA SECARA JELAS MENAFIKAN LIABILITI BAGI KESILAPAN DAN KETINGGALAN DALAM ISI KANDUNGAN DAN/ATAU MAKLUMAT. TANPA PENGURANGAN KEPADA PERUNTUKAN DI ATAS

DAN/ATAU TERMA DAN SYARAT PERJANJIAN BERKENAAN DENGAN PRODUK DAN PERKHIDMATAN PENTADBIR, LANGKAH-LANGKAH SEWAJARNYA AKAN DIAMBIL OLEH PENTADBIR UNTUK MEMASTIKAN KETEPATAN DAN KESAHIHAN SEMUA MAKLUMAT DARI PENTADBIR.

Pentadbir Koperasi, hendaklah bertanggungjawab sepenuhnya terhadap mana-mana Isi Kandungan dan/atau Maklumat yang digunakan/diperolehi dari Sistem ini dan/atau mana-mana Isi Kandungan dan/atau Maklumat yang dikemukakan/dihantar ke Sistem ini. Pentadbir Koperasi hendaklah bersetuju bahawa apa-apa Maklumat yang digunakan/didapatkan dari Sistem ini dan/atau apa-apa Maklumat yang dikemukakan/dihantar ke Sistem ini untuk tujuan Perkhidmatan adalah lengkap, tepat, boleh dipercayai, terkini dan bebas daripada kesilapan. Dalam apa keadaan Pihak ALM tidak akan bertanggungjawab ke atas sebarang kehilangan secara langsung, tidak langsung, teladan atau khas yang timbul daripada apa-apa maklumat dan transaksi yang digunakan/diperolehi dari Sistem ini dan/atau apa-apa maklumat dan transaksi yang dikemukakan/dihantar ke Sistem ini melalui Pentadbir Koperasi atau Ahli Pengguna.

ALM bertanggungjawab di atas penyediaan data-data yang telah diperolehi daripada Pentadbir Koperasi dan Ahli Pengguna dengan memberikan *backup* terhadap **cloud server** yang dibekalkan oleh iKOOP.

19. **BAYARAN**

- a. Kecuali dinyatakan sebaliknya, ALM **TIDAK** mengenakan kepada Ahli atau Anggota sebarang bayaran bagi *engagement* kepada penggunaan Sistem ini.
- b. Bayaran akan cuma dikenakan bagi apa-apa transaksi kewangan yang dilakukan melalui Sistem iaitu tertakluk kepada produk Pengguna yang dinyatakan di dalam Sistem sama ada dilakukan oleh Pentadbir Koperasi atau Ahli/Anggota Pengguna. Bayaran juga akan dikenakan ke atas sebarang transaksi di dalam Sistem yang menggunakan **pembayaran atas talian** oleh pihak ketiga yang menyediakan **Payment Gateway** di dalam Sistem atau Ejen Peruncitan atau penyedia perkhidmatan yang dilantik atau diperakui secara bertulis oleh pihak ALM dan Pentadbir Koperasi.
- c. ALM akan mengenakan bayaran kepada koperasi berdasarkan harga **pakej langganan tahunan** yang dipilih. Selain itu, caj sebanyak **RM 10.00** dikenakan bagi setiap pembiayaan yang diluluskan melalui sistem iKOOP bagi koperasi yang menawarkan produk pembiayaan, manakala caj **RM 12.00** dikenakan untuk setiap pembelian sijil komoditi melalui sistem iKOOP. Semua bayaran langganan tahunan dan perkhidmatan teknologi maklumat yang disediakan oleh ALM akan tertakluk kepada cukai SST yang dikenakan berdasarkan kadar semasa yang terpakai. (Rujuk Surat Penerimaan serta lampiran langganan perkhidmatan perisian).

- d. Jika yuran atau saham dikenakan cukai, ia tertakluk kepada SST dan cukai- cukai terpakai lain yang melibatkan transaksi pembayaran atas talian. Melainkan dipersetujui, Pentadbir Koperasi atau Ahli bertanggungjawab atas cukai-cukai itu. Pentadbir Koperasi maklum dan bersetuju yang ALM boleh menolak bayaran online yuran dan apa-apa cukai terpakai daripada wang pemberian yang dibayar oleh Ahli kepada ALM. iKOOP hendaklah mengeluarkan resit atau invoice cukai untuk kelulusan pembiayaan dan cukai yang dibayar oleh Koperasi.

PENYATAAN PRIVASI

ALM menghormati privasi Pentadbir Koperasi dan Ahli Pengguna. ALM akan cuma menggunakan maklumat pengenalan individu yang Pentadbir Koperasi berikan kepada pihak ALM untuk sebarang pengoperasian Sistem. "Maklumat pengenalan Ahli Pengguna" sebagai contoh, alamat e-mel, nama, jawatan dan alamat ialah maklumat yang membolehkan kami mengenal pasti Pentadbir Koperasi dan Ahli Pengguna. ALM menggunakan maklumat pengenalan Ahli untuk menyesuaikan pengalaman Pentadbir Koperasi di laman web Sistem dan untuk membolehkan pihak ALM menghantar maklumat terpilih yang mungkin menarik minat Pentadbir Koperasi dan Ahli Pengguna, sama ada secara elektronik atau tidak.

Polisi ALM berkenaan penggunaan maklumat yang diberikan kepada ALM atau dikumpul melalui Pentadbir Koperasi di dalam Sistem meliputi bahagian-bahagian berikut:

1. NOTIS DAN PENDEDAHAN

Penyataan Privasi Dalam Talian ini disediakan untuk Pentadbir Koperasi supaya Pentadbir Koperasi sedar tentang cara ALM mengumpul dan menggunakan maklumat pengenalan pelawat ke laman web Sistem.

ALM mengumpul maklumat berikut berkenaan pelawat ke laman Sistem: nama domain, nama, maklumat berkenaan halaman yang Ahli Pengguna atau Pentadbir Koperasi akses, maklumat yang ahli dan Pentadbir Koperasi serahkan secara sukarela, seperti maklumat tinjauan, alamat e-mel, atau pendaftaran laman, dan cara pertukaran maklumat yang ahli suka.

ALM menyediakan maklumat pengenalan Ahli kepada pihak ketiga, termasuk rakan kongsi perniagaan, untuk tujuan pemasaran sekiranya mendapat kebenaran bertulis oleh Pentadbir Koperasi. ALM juga menggunakan maklumat itu untuk menghubungi Ahli bagi tujuan pemasaran oleh Koperasi-Koperasi Lain dengan keizinan daripada Pentadbir Koperasi.

2. PILIHAN ATAU IZIN

Pendaftar baru di laman web mempunyai pilihan sama ada untuk membenarkan maklumat pengenalan ahli yang diberikan semasa proses pendaftaran digunakan untuk tujuan yang tidak berkaitan dengan tujuan maklumat itu diberikan kepada kami.

Akses kepada Sistem memerlukan log masuk dan kata laluan. Penggunaan Sistem, dan maklumat atau program yang boleh dimuat turun daripada Sistem, mungkin tertakluk kepada perjanjian bertulis antara majikan Ahli atau Pentadbir Koperasi dan ALM. Maklumat pengenalan Ahli dan Pentadbir Koperasi mungkin disimpan oleh ALM untuk mengesahkan kepatuhan anda terhadap perjanjian, mencatat lesen perisian yang diberikan, mengesan perisian yang dimuat turun daripada laman-laman itu, atau mengesan penggunaan aplikasi-aplikasi lain yang ada laman web Sistem.

3. KESELAMATAN DATA

ALM komited untuk mengambil langkah yang wajar untuk melindungi maklumat pengenalan individu yang diberikan kepada pihak ALM.

ALM tidak memberikan sebarang maklumat yang diproses oleh Pentadbir Koperasi kepada pihak ketiga kecuali dengan keizinannya secara bertulis.

4. KUALITI DATA DAN AKSES

Ketepatan maklumat pengenalan ahli adalah penting bagi ALM. Pihak ALM berusaha untuk memudahkan Pentadbir Koperasi menyemak dan membetulkan maklumat yang disimpan di dalam Sistem. Ahli yang berdaftar dengan Sistem boleh menyemak maklumat pengenalan Pentadbir Koperasi dengan mengakses ke dalam Sistem dengan menggunakan nama pengguna dan kata laluan yang disahkan semasa menjadi ahli koperasi.

5. PENGUNAAN KUKI (COOKIES)

Kuki ialah fail data kecil yang laman web tertentu tulis pada pemacu keras Pengguna apabila Pengguna melawatnya. Fail kuki boleh mengandungi maklumat seperti ID pengguna yang laman itu guna untuk mengesan laman yang pengguna lawat, namun, kuki hanya boleh mengandungi maklumat peribadi yang pengguna berikan sendiri. Kuki tidak boleh membaca maklumat daripada pemacu keras pengguna atau membaca kuki yang dicipta oleh laman web lain.

Jika pengguna tidak mahu menerima kuki, pengguna boleh menetapkan pelayar pengguna supaya memberi amaran kepada pengguna sebelum pengguna menerima kuki apabila pelayar pengguna memaklumkan pengguna tentang kewujudannya. pengguna boleh menolak semua kuki dengan mematkannya di pelayar pengguna.

6. PENAFIAN

BAHAN DAN PERKHIDMATAN YANG DISEDIAKAN DI DALAM SISTEM INI DISEDIAKAN "SEADANYA" TANPA APA-APA JENIS WARANTI TERMASUK SEBARANG WARANTI TERSIRAT KEBOLEHDAGANGAN, KESESUAIAN UNTUK TUJUAN TERTENTU DAN BUKAN PELANGGARAN HARTA INTELEKTUAL.

ALM tidak menjamin ketepatan dan kesempurnaan bahan atau perkhidmatan di dalam Sistem ini. ALM mungkin mengubah bahan dan perkhidmatan di dalam Sistem ini, atau kepada produk dan harga yang dipaparkan di dalam Sistem dengan persetujuan Pentadbir Koperasi, pada bila-bila masa tanpa notis terlebih dahulu kepada Ahli Pengguna. Bahan dan perkhidmatan di Laman ini mungkin lapuk, dan ALM tidak komited untuk mengemas kini bahan dan perkhidmatan di dalam Sistem ini. Maklumat yang diterbitkan di dalam Sistem ini mungkin merujuk kepada produk, program atau perkhidmatan yang tidak disediakan oleh Pentadbir Koperasi. Undang-undang terpakai mungkin meliputi waranti tersirat, maka, Pentadbir Koperasi mungkin tidak tertakluk kepada pengecualian di atas.

7. BATASAN LIABILITI

ALM ATAU MANA-MANA PIHAK KETIGA LAIN YANG DISEBUT DI SISTEM TIDAK AKAN BERTANGGUNGJAWAB SAMA SEKALI ATAS SEBARANG KEROSAKAN (TERMASUK, TIDAK TERBATAS KEPADA BERIKUTAN KERUGIAN UNTUNG, KEHILANGAN DATA ATAU GANGGUAN URUSAN PERNIAGAAN) BERBANGKIT DARIPADA PENGGUNAAN, KETIDAKUPAYAAN UNTUK MENGGUNAKAN, ATAU HASIL PENGGUNAAN SISTEM INI, MANA-MANA LAMAN WEB YANG TERPAUT KEPADA SISTEM INI, ATAU BAHAN ATAU MAKLUMAT ATAU PERKHIDMATAN YANG TERKANDUNG DI MANA-MANA ATAU KESELURUHAN LAMAN, SAMA ADA BERDASARKAN WARANTI, KONTRAK, TORT ATAU TEORI UNDANG-UNDANG LAIN ATAU SAMA ADA DINASIHATI AKAN KEMUNGKINAN BERLAKUNYA KEROSAKAN SEDEMIKIAN. UNDANG-UNDANG TERPAKAI MUNGKIN TIDAK MEMBENARKAN PENGECCUALIAN ATAU PENGEHADAN KEROSAKAN SAMPINGAN ATAU LANJUTAN, MAKA, PENTADBIR KOPERASI MUNGKIN TIDAK TERTAKLUK KEPADA PENGEHADAN ATAU PENGECCUALIAN DI ATAS.